



Dalabyggð



Dalabyggð kt. 510694-2019 og Skátafélagið Stígandi kt. 650308-0770 gera með sér eftirfarandi

SAMSTARFSSAMNING

1.gr.

Markmið samnings þessa er að skilgreina og efla tengsl sveitarfélagsins og skátafélagsins með það að markmiði að styrkja Dalabyggð frekar sem áhugaverðan og góðan búsetukost, þar sem m.a. fari fram kraftmikið skátastarf, íbúum sveitarfélagsins til heilla. Samningurinn byggir á farsælu og nánu samstarfi samningsaðila til nokkurra ára og hefur að markmiði að móta samskipti þeirra til framtíðar. Með samningnum viðurkennir sveitarfélagið það mikilvæga hlutverk sem skátaheyfingin gegnir gagnvart íbúum sveitarfélagsins.

Skátaheyfingin skuldbindur sig til að kappkosta að gera sem flestum börnum og unglungum í sveitarfélagini kleift að stunda skátastarfið með því að veita þeim greiðan aðgang að skátafélaginu og því starfi sem þar fer fram. Félagið vinni að því að tryggja aðilum á öllum aldri, jöfn tækifæri til aðkomu að skátastarfi. Við skipulagningu starfsins skal þannig tryggt að öll kyn hafi jafnan aðgang að starfinu.

Sveitarfélagið lítur á starf skáta mjög jákvæðum augum og telur það vera mikilvægt forvarnarstarf í þágu sveitarfélagsins.

2. gr.

Skátafélagið Stígandi hafa endurgjaldslaus afnot af:

- Skátastofu í kjallara vesturhluta Dalabúðar sem félagið hefur haft til afnota.
 - Skátafélagið hefur einkaafnot af Skátastofu skv. starfsskipulagi félagsins. Gert er ráð fyrir að Skátastofa sé læst þegar hún er ekki í notkun.
 - Skátafélagið sér um ræstingu Skátastofu og aðgönguleiða eftir samkomur sínar og hefur aðgang að ræstiherbergi og ræstivörum.
- Félagsheimilinu Dalabúð í samráði við húsvörð/skrifstofu Dalabyggðar og Auðarskóla.
 - Gert er ráð fyrir afnotum átta sinnum í mánuði frá september og fram í maí.
 - Tímaáætlun vegna afnota komandi vetrar sé gerð að hausti í samráði við húsvörð/skrifstofu Dalabyggðar.
 - Afnot skátafélagsins eru víkjandi gagnvart stærri viðburðum sem upp kunna að koma enda hafi félagið haft samráð við húsvörð/skrifstofu Dalabyggðar og/eða Auðarskóla þegar fyrir liggur að nota eigi félagsheimilið.
 - Skátafélagið sér um tiltekt eftir sig í hvert sinn.
 - Dalabyggð sér um ræstingu hússins að öðru leyti.
- Félagsheimilinu Tjarnarlundi fyrir two fundi á ári í samráði við húsvörð þar.

Með samningi þessum er einnig staðfest að Skátafélagið Stígandi og Dalabyggð vinni að viðauka við samning þennan er varðar afnot af svæði innan Dalabyggðar sem muni gegna hlutverki Skátalundar. Verður sú aðstaða endurgjaldslaus og ekki metin til fjár.



3. gr.

Árlegt framlag Dalabyggðar til skátafélagsins Stíganda er eftirfarandi fyrir árið 2024. Framlög geta tekið breytingum til hækunar eða lækkunar skv. fjárhagsáætlun sveitarfélagsins:

Vegna Skátastofu í Dalabúð	Kr. 480.000
Vegna annarrar aðstöðu í Dalabúð	Kr. 200.000
Rekstrarframlag	Kr. 250.000
Þóknun vegna hreinsunar	Kr. 60.000

Rekstrarframlag og þóknun samtals kr. 310.000,- er greitt 15. júní ár hvert þegar árlegri hreinsun er lokið.

Aðstaðan í húsnæðinu er metin og getið sem óbeinnar styrkveitingar til skátafélagsins í uppgjöri sveitarfélagsins. Farið er fram á að skátafélagið haldi yfirlit yfir tímanotkun sína á húsnæðinu.

Rekstrarframlag er framlag sveitarfélagsins vegna uppbyggingar á skátastarfinu í Dalabyggð og þátttöku skátafélagsins í skrúðögöngu og varðstöðu við fjallkonu 17. júní.

Skátafélagið skuldbindur sig til þess að vera virkur þátttakandi í 17. júní hátíðarhöldum og fleiri hátíðum á vegum sveitarfélagsins eftir samkomulagi og leggi sig fram um að vera sýnileg og nýti sér þau tækifæri sem skapast s.s. við fjárlöfun, með skemmtilegum uppákomum, viðburðum eða sýningum. Enda leitast Dalabyggð við að halda félaginu upplýstu þegar slík tækifæri skapast.

Skátafélagið sér um árlega vorhreinsun á opnum svæðum innan þéttbýlismarka í Búðardal í samráði við verkstjóra áhaldahúss.

Félagið skili yfirliti yfir starfsemina og nafnalista yfir þátttakendur í tengslum við fjárhagsáætlunargerð í nóvember ár hvert.

Félagið skuldbindur sig til að geta þess í kynningum og annars staðar þar sem það getur átt við að Dalabyggð sé styrktaraðili þess.

Félagið banni hvers konar notkun tóbaks, nikótíns, rafretna, áfengis eða annarra vímuefna á samkomum á vegum þess.

Víki félagið í verulegum atriðum frá stefnu sinni um fjölbreytta félagsstarfsemi fyrir alla aldursþópa og öll kyn er Dalabyggð heimilt að taka framlag sitt til félagsins til endurskoðunar, að undangenginni aðvörur til stjórnar þess.

4. gr.

Samningur þessi gildir fyrir árin 2024, 2025 og 2026 og skal framlag til reksturs endurskoðað eigi síðar en í nóvember ár hvert fyrir komandi ár í tengslum við gerð fjárhagsáætlunar sveitarfélagsins.



Dalabyggð



Ágreiningur sem rísa kann vegna samnings þessa skal leystur með úrskurði byggðarráðs Dalabyggðar.



Samningur þessi er undirritaður með fyrirvara um staðfestingu sveitarstjórnar Dalabyggðar og stjórnar skátafélagsins Stíganda.

Búðardal, 15.04.2024

F.h. Dalabyggðar

F.h. Skátafélagsins Stíganda

með fyrirvara um samþykki sveitarstjórnar


Björn Bjarki Þorsteinsson, sveitarstjóri

Katrin Lilja Ólafsdóttir

Vottar að undirskrift og dagsetningu (nafn og kt.):

Jóhanna M. Sig. 280691-2329
Eyjólfur Ingi Bjarnason 2903843119